

---

Ўзбекистон тумани ҳокими Шерзоджон Юлдашевнинг Наврўз байрами табриги

**Азиз юртдошлар! Қадрли тумандошлар!**

Сиз азизларни, туманимизнинг барча аҳолисини юртимизга қутлуғ қадамлар билан кириб келаётган баҳор, яшариш ва янгиланиш айёми - Наврўзи олам билан самимий муборакбод этаман.

Қадимий ва навқирон Наврўзи олам минг йиллар давомида маънавий ҳаётимизнинг ажралмас жиҳати, кўрку-зийнати бўлиб келмоқда. Шунинг учун ҳам Наврўзни юртимизда баҳорги янгиланиш, тинчлик ва дўстлик байрами сифатида кенг нишонлаш эзгу анъанага айланган.

Табиатнинг бетимсол қудрати, она заминнинг саховатини намоён этадиган Наврўз - барча юртдошларимиз учун омонлик ва аҳиллик байрами ҳамдир.

Янгиланиш ва яшариш фасли юртимизга, ҳар бир хонадонларга бахт-саодат, қут-барака олиб келсин!

Барчамизнинг эзгу орзу ниятларимиз ушалсин. Осмонимиз мусаффо, юртимиз тинч, халқимиз омон бўлсин!

**Наврўз айёми барчамизга муборак бўлсин!**

2022-03-20 18:49:14